



Sabtu, 06 Januari 2024

Ogen: Miha 3:5-7



Nabi Si Penebu-nebu



Lebo e me sada binatang si nggeluh i bas lau. Ia itandai kalak binatang si ncidahkan takalna kune lit pangan man jerngemen. Kune la lit si man pangan la enggo teridah takalna. Bas kegeluhen enda lit ka nge si idah kalak bagi kai silakoken lebo enda? Teridah entah encidahken bana kune lit akapna ombangna, tapi kune la lit ombangna entah si man pangan la ia teridah.

Nabi-nabi i bas masa Mikha enggo melala si lalar. Melala sinuriken pengajaren papak. Ate-atena saja ernubuat. Maun ernubuat entah ngataken si mehui-mehuli entah si entabeh saja man kalak si banci mereken upah man bana. Ikatakenna dame guna nebu-nebu dengen ndatken untung, tapi kune labo kapna banci ia runtung (rido) maka ikatakenna kerna perang entah kebiaren. Nubuatan sisehkenna guak dengen ergantung bas pengalonna. La erintegritas, mbole ku jah ku je erpalasken ku ja angin rembus. Ngidah si enda me erbahanca merawa Tuhan. Kegeluhen dengen wari-warina sundut me. Labo banci ertahan. Lanai lit kengasupenna guna ernubuat, sabap Dibata imbangna. Mela niakapna sabap kai sipindona lanai ibereken Dibata. Moria e me aron Dibata, si isuruh guna nehken kata sora Tuhan i bas kegeluhenna. Melala pelayanen banci silakoken Moria i bas kegeluhenna. Pelayanen e tujunna guna kemuliaan Tuhan, labo guna ndatken keuntungan pribadi. Mpebesur diri, ncidahkan kinihagan diri (meganjang rukur) ras sidebanna. Dibata la erngena ate man kalak si bage rupa. Kalak si la tutus i bas pelayanen mpeturah rawa Dibata kap. Kegeluhen kalak sierkiniteken teridah arah pelayanen silakokenna ncidahkan biak-biak Dibata. Nuriken kebenaran alu payo, ngelai alu ukur meciho (labo ngarapken upah bas manusia nari) janah dem pengarapen man Dibata. Pengarapen e mereken semangat si paguh.

☞ *“Nebu-nebu biak si petembil ras Dibata”*



